

女科

六科準繩

の冊

共五本

女科準繩卷四

金壇王肯堂輯

瘦樵程永培校

胎前門

求子

胡氏孝曰男女交始其所以凝結而成胎者雖不離乎精血猶為後天滓質之物而一點先天真一之靈氣萌于情欲之感者妙合于其間朱子所謂稟於有生之初悟真篇所謂生身受氣初者是也醫之上工因人無子語男則主於精語女則主於血著論立方男以補腎為要女以調經為先而又參之以補氣行氣之說察其脈絡究其虧盈審而治之夫然後一舉可孕天下之男無不父女無不母矣

脈診陳楚良曰人身氣血各有虛實寒熱之異惟察脈可知舍脈而獨言藥者妄也脈有十二經應十二時一日一周與天同運循環無端其至也既不宜太過而數數則熱矣又不宜不及而遲遲則寒矣不宜太有力而實實非正氣能自實也正氣虛而火邪來乘以實之也治法先當散鬱以伐其邪邪去而後正可補也不宜太無力而虛虛乃正氣正血虛也治法惟當補其氣血耳亦有男婦上熱下寒表實裏虛而未得子者法當臨睡時服涼膈之藥以清其上每晨食未入口時服補藥以溫其下暫進升散之藥以達其表久服厚味之藥以實其裏又有女人氣多血少寒熱不調月水違期或後或先白帶頻下而無子者皆當診脈而以活法治之務欲使其夫婦之脈皆和平有力不熱不寒交合有期不妄用精必能生子子不殤妖故欲得子必須對脈立方因病用藥

仲男子脈浮弱而瀦為無子精氣清冷

脈婦人少腹冷惡寒久年少者得之此為無子年大者得之絕產

脈微弱而瀦年少得此為無子中年得此為絕產 肥人脈細胞有寒故令少子其色黃者胸上有寒 少陰脈浮而緊緊則疝瘕腹中痛半產而墮傷浮則亡血絕產惡寒

調經 〔婁〕胎前之道始於求子求子之法莫先調經每見婦人之無子者其經必或前或後或多或少或將行作

痛或行後作痛或紫或黑或淡或凝而不調不調則血氣乖爭不能成孕矣詳夫不調之由其或前或後及行後作痛者虛也其少而淡者血虛也多者氣虛也其將行作痛及凝塊不散者滯也紫黑色者滯而挾熱也治法血虛者四物氣虛者四物加後者滯者香附縮砂木香檳榔桃仁延胡滯久而沉痼者吐之下之脈證熱者四物加苓連脈證寒者四物加桂附及紫石英之類是也直至積去滯行虛回然後血氣和平能孕子也子每治經不調者只一味香附末醋為丸服之亦百發百中也 素問云督脈生病女子不孕

婦人經事不調即非受孕光景縱使受之亦不全美宜服六味地黃丸

熟地黃 四兩

山茱萸肉 山藥各二兩

牡丹皮

白茯苓 各一兩

澤瀉

香附米 童便浸三次炒各一兩

斬艾葉 去筋醋煮五錢

右為末煉蜜丸如梧子大每服七十九白沸湯送下隨後證作湯使或另作煎劑服 經水

過期者乃血虛也宜四物湯加後者陳皮白朮服之若肥白人是痰多宜二陳湯加南星蒼朮滑石為歸香附

之類

經水不及期者血熱也四物加苓連肥人亦兼痰治色紫黑者同血熱論 經將行而作疼者氣滯

血氣虛也八物湯

〔丹〕婦人肥盛者多不能孕育以身中有脂膜閉塞子宮以致經事不行瘦弱婦人不能孕育以子宮無血精氣不

聚故也肥人無子宜先服調理藥

當歸 酒洗一兩

茯苓 二兩

川芎 七錢

白芍藥

白朮

半夏 湯洗

香附米

陳皮

甘草 各一兩

作十貼每貼薑三片水煎吞後

丸子

宜肥人

小多痰

白朮 二兩

半夏 蠲

川芎

香附米 各一兩

神麴 炒

茯苓 各半兩

橘紅

甘草 二錢以上並為末

以稠粥為丸每服八十丸如熱多者加黃連枳實各一兩服前藥訖却服蠶斯丸

附子

茯苓 各六錢

厚樸

杜仲

桂心

秦丸

白薇

半夏

乾薑

牛膝

沙參 各二錢

人參 四錢

細辛 五錢

右為末煉蜜和丸

小豆大每服五丸空心酒下加至十丸不妨覺有娠三月後不可更服忌食牛馬肉 按此方即秦桂丸也丹溪忌服之者蓋忌於瘦人無血者若肥人濕多者又兼前調理藥而所服丸數十減其九只服五分無妨也上三方得之於丹溪之子朱懸誠者累試有效

抑氣散 治婦人氣盛於血所以無子尋常頭暈暈膈滿體疼怔忡皆可服

香附子 炒淨二兩

陳皮 焙二兩

茯苓

甘草 炙各一兩

右為細末每服二三錢不拘時白湯調下

海大五補丸

天門冬

麥門冬 去心

菖蒲

茯苓

人參

益智

枸杞子

地骨皮

遠志肉

熟地黃 各等

右為細末煉蜜丸如桐子大空心酒下三十丸服本方數服

後以七宣丸泄之

增損三才丸

天門冬 酒浸去心

熟地黃 酒蒸

人參 去蘆

遠志 去骨

五味子

茯苓 酒浸

鹿角 酥炙

一法加白馬莖 酥炙

一法加麥門冬令人有力

一法加續斷以續筋骨

一法加沉香煨下焦虛冷

右為細

末煉蜜和杵干下丸如桐子大每服五十丸空心好酒下年老欲補加混元衣全個入藥

混元衣者是胎衣頭生兒者方佳用酒浸曬乾

細挫為末

紫石門冬丸 又名紫石英丸

紫石英

鍾乳石

鶴管通明者二味各七日研之得上浮即熟

天門冬 以上各三兩

當歸

芎藭

紫葳

卷柏

肉桂

乾地黄

牡蒙

禹餘糧

蝦醋

石斛

辛夷

以上各二兩

人參

桑寄生

續斷

細辛

厚樸

薑製

乾薑

食茱萸

艾葉

白薇

薯蕷

烏鰂骨

甘草

炙以上各一兩半

柏子仁 一兩

右件搗羅為

末煉蜜丸如梧桐子大酒服十九三日漸增至三十九丸以腹熱為度不禁房室夫婦不在不可服禁如藥法比來服者不至盡劑即有娠 此方舊用烏頭牡丹牛膝據藥證此三物俱墮胎求子藥中用之蓋胎未著之時若服之已著已著而未覺服之未已反為害也今悉去之增鍾乳艾葉白薇茲無疑矣

白薇丸 治婦人無子或斷緒上熱下冷百病皆主之

白薇

熟乾地黄

川椒

去目及閉者微炒出汗

白龍骨

以上各一兩

麥門冬

去心焙

卷柏

白芷

覆盆子

桃仁

湯浸去皮尖雙仁麤炒微黃

人參

桂心

菖蒲

白茯苓

遠志

去心以上各七錢半

車前子

當歸

剉微炒

芎藭

蛇床子

細辛

乾薑

炮製各半兩

右件藥杵羅為末煉蜜為丸梧子大每服三十九丸空心日午以溫酒下三十九丸子之故友江君

雅曾仲容俱無嗣因此方贈之踰年而皆有子後有艾君肅黃翰公者亦然故述之

趙氏從容兔絲子丸

肉苁蓉

三錢

覆盆子

蛇床子

川芎

當歸

兔絲子

各一兩

白芍藥 一兩

牡蠣

鹽泥固濟煨

烏賊魚骨

錢各八

五味子

防風

錢各六

條芩

五錢

艾葉

三錢

此方不寒不熱

助陰生子前藥俱焙乾為末煉蜜丸如桐子每服三四十丸清鹽湯下早晚皆可服

加味香附丸男服聚精丸女服此

香附一觔四兩老酒浸兩宿炒搗碎再焙乾磨為末 澤蘭淨葉六兩童便浸同上 四兩用山梔四兩煎濃汁去渣入香附浸同上

海藻蛸六兩稍碎炒 當歸四兩酒洗 川芎三兩 白芍藥四兩酒洗 懷熟地八兩搗膏焙乾 右為末用浮小麥粉酒醋水

打糊為丸如菜豆大每日早晚服兩次忌食菜蔬及牛肉生冷

調經丸

香附半觔量便酒醋各浸一分 川杜仲薑汁炒半觔 大川芎 白芍藥 當歸去尾 懷生地

廣陳皮 小茴香酒炒 延胡索略炒 肉蓯蓉酒浸 舊青皮麩炒 台烏藥炒 枯黃芩酒炒

烏賊魚骨耐炙上各四兩 右十四味足秤真正好料醋和麵打糊為丸如梧桐子大每服百丸空心好酒送下

一方無陳皮地黃有人參黃耆各二兩

正元丹 調經種子

香附一觔同艾三兩先以醋同浸一宿然後分開製之 酒鹽酥童便各製四兩 阿膠蛤粉炒二兩 枳殼四兩半生用半麩炒 懷生地酒洗 熟地酒浸

當歸身酒洗 川芎炒各四兩 白芍藥八兩半生酒炒 加白茯苓琥珀治帶 末之醋和丸如桐子大空心鹽

湯吞五六十九

子和 戴人過譙都營中飲會有一卒說出妻事戴人問其故答曰吾婦為室女時心下有冷積如覆盆按之如水

聲以熱手熨之如冰娶來已十五年矣恐斷吾嗣是以去之戴人曰公勿黜也如用吾藥可除孕可得卒從之戴人

診其脈寸脈沉而遲尺脈洪大有力非無子之候也可不逾年而孕其良人嘆曰試之先以三聖散吐涎一斗心下

平軟次服白朮調中湯五苓散後以四物湯和之不再月氣血合度數月而娠一子戴人常曰用吾此法無不子之

婦此言不誣 一婦人年三十四歲夢與鬼神交驚怕異常及見神堂陰司舟楫橋梁如此一十五年竟無妊娠巫

祈禱無所不至鑽肌灸肉孔穴萬千黃瘦發熱引飲中滿足腫委命于天一日苦請戴人戴人曰陽火盛于上陰水盛于下見鬼神者陰之靈神堂者陰之所舛楫橋梁水之用兩手寸脈皆沉而伏知胸中有實痰也凡三湧三泄三汗不旬日而無夢一月而有娠

盪胞湯 治婦人立身以來全不產育及斷絕久不產三十年者宜服

樸硝

牡丹皮

當歸

大黃飯久

桃仁去皮尖

細辛

厚樸薑汁

桔梗

赤芍藥

人參

茯苓

桂心

甘草

牛膝去苗

陳橘皮以上各二兩

附子炮二兩半

蠱蟲去翅足炒焦

水蛭炒枯各十枚

右件以清酒五升水六合煮取三升分四服日

三夜一每相去三少時更服如常覆被少時取汗汗不出冬月著火籠必下積血及冷赤膿如赤小豆汁本為婦人子宮內有此惡物冷然或天陰臍下痛或月水不調為有冷血不受胎若斟酌下盡氣久弱大困不堪更服亦可二三服即止如大悶不堪可食酢飲冷漿一口即止然恐去惡物不盡不大得藥力若能忍服盡大好一日仍

著坐導藥

坐導藥 治全不產及斷緒服前盪胞湯惡物不盡用此方

皂角去皮子

吳茱萸

當歸各二兩

細辛去苗

五味子

乾薑炮各一兩

黃葵花

白礬枯

戎鹽

蜀椒各半兩

右為細末以絹袋大如指長三寸餘盛藥令滿縛定納婦人陰中

坐卧任意勿行走小便時去之更安一日一度易新者必下清黃冷汁汁盡止若未見病去可十日安之本為子宮

有冷惡物故令無子值天陰冷則發疼痛須候病出盡方已不可中輟每日早晚用黃菜煎湯薰之

丹 秦桂丸論

無子之因多起於婦人醫者不求其因起於何處遍閱古方惟秦桂丸其辭確其意專用溫熱藥

近乎人情欣然受之銳然服之甘受燔灼之禍猶懵然不悔何者陽精之施陰血能攝之精成其子血成其胞胎

孕乃成令婦人之無子者率由血少不足以攝精也血之少也固非一端然欲得子者必須調補陰血使無虧欠乃可推其有餘以成胎孕何乃輕用熱劑煎熬臟腑血氣沸騰禍不旋踵矣或曰春氣溫和則萬物發生冬氣寒凜則萬物消損非秦桂丸之溫熱何以得子臟溫煖而得胎耶予曰詩曰婦人和平則樂有子和則血氣相均平則陰陽不爭今得此藥經血必轉紫黑漸成衰少或先或後始則飲食驟進久則口苦而乾陰陽不平血氣不和疾病蜂起焉能成胎縱然成胎生子亦多病而不壽以秦桂丸耗損天真之陰也戒之慎之按秦桂丸施于肥人而少其丸數兼服調理補藥亦無妨但忌施于瘦人火多者也

東

婦人無子胞門

在關內左邊二寸灸五十壯

又法氣門

在關元傍各關三寸灸五十壯

集

又法子宮

在中極傍各關三寸針入二寸灸三七壯

中極

垣

又法關元

二十壯報穴

甲

絕子灸臍中令人有子女子手脚拘攣腹滿疝月水不下乳餘疾絕子陰痿陰交主之

腹滿疝積聚餘疾絕

子陰痿刺石門

千金云奔豚上少腹堅痛下引陰中不得小便

女子絕子衄血在內不下關元主之千金云轉胞不得溺小腹滿名石水痛

婦人子門不

端少腹苦寒陰痿及痛經閉不通中極主之

婦人無子涌泉主之

大疝絕子築賓主之

絕子商邱主之穴在內踝

前宛宛中

婦人絕產若未曾產陰廉主之

刺入一寸灸一分

養精

表了凡先生云聚精之道一曰寡慾二曰節勞三曰息怒四曰戒酒五曰慎味令之談養生者多言採陰補

陽久戰不泄此為大謬腎為精之府凡男女交接必擾其腎腎動則精血隨之而流外雖不泄精已離宮雖能堅忍者亦必有真精數點隨陽之痿而溢出此其驗也如火之有烟焰豈有復反于薪者哉是故貴寡慾精成于血不獨房室之交損吾之精凡日用損血之事皆當深戒如目勞于視則血以視耗耳勞于聽則血以聽耗心勞于思則血以思耗吾隨事而節之則血得其養而與日俱積矣是故貴節勞主閉藏者腎也司疎泄者肝也二藏皆有相火而以思耗吾隨事而節之則血得其養而與日俱積矣是故貴節勞主閉藏者腎也司疎泄者肝也二藏皆有相火而

其系上屬于心心君火也怒則傷肝而相火動則疎泄者用事而閉藏不得其職雖不交合亦暗流而潛耗矣是故當息怒人身之血各歸其舍則常凝酒能動血人飲酒則面赤手足俱紅是擾其血而奔馳之也血氣既衰之人數月無房事精始厚而可用然使一夜大醉精隨薄矣是故宜戒酒內經云精不足者補之以味然醲郁之味不能生精惟恬澹之味乃能補精耳蓋萬物皆有真味調和勝而真味衰矣不論腥素淡煮之得法自有一段沖和恬澹之氣益人腸胃洪範論味而曰稼穡作甘世間之物惟五穀得味之正但能淡食穀味最能養精又凡煮粥飯而中有厚汁滾作一團者此米之精液所聚也食之最能生精試之有效煉精有訣全在腎家下手內腎一竅名元關外腎一竅名牝戶真精未洩乾體未破則外腎陽氣至子時而與人身之氣與天地之氣兩相脗合精洩體破而吾身陽生之候漸晚有丑而生者次則寅而生者又次則卯而生者有終不生者始與天地不相應矣煉之之訣須半夜子時即披衣起坐兩手搓極熱以一手將外腎兜住以一手掩臍而凝神于內腎久久習之而精旺矣

葆真丸 專治九醜之疾言莖弱而不振振而不豐豐而不循循而不實實而不堅堅而不久久而無精精而無子謂之九醜之疾此藥補十二經絡起陰發陽能令陽氣入胸安魂定魄開三焦積聚消五穀進食強陰益子精安五臟除心中伏熱強筋骨輕身明目去冷除風無所不治此藥平補多服常服最妙七十歲老人尚能育子非常之力及治五癆七傷無子嗣者

鹿角膠

半觔剉作豆大就用鹿角霜拌炒成珠研細

杜仲

去粗皮切碎用生薑汁一兩同蜜少許拌炒斷絲三兩

乾山藥

白茯苓

去粗皮人乳拌曬乾凡五七天

熟地黃

各二兩

兔絲子

酒蒸搗焙

山茱萸肉

各一兩半

北五味子

川牛膝

益智仁

去殼

遠志

去骨

小茴香

青鹽三錢同炒

川楝子

去皮核取

川巴戟

酒浸去心以

破故紙

葫蘆巴

同故紙入羊腸內煮焙乾各一兩

柏子仁

去殼另研

川山甲

酥炙

沉香

全蠍

去毒一錢半

右件各

製度為極細末以好嫩肉苁蓉四兩酒洗淨去鱗甲皮垢開心如有黃白膜亦去之取淨二兩好酒煮成膏同煉

蜜和前藥末搗千餘下丸如桐子大每服五十丸淡秋石湯溫酒任下以乾物壓之漸加至百丸服七日四肢光澤脣臉赤色手足溫和面目滋潤又能消食理脾輕身和氣語言清亮是其效也

千金種子丹 此方服之令人多子并治虛損夢遺白濁脫卸男子服

沙苑蒺藜 取淨末四兩如蠶種同州者佳再以重羅羅二兩極細末二兩粗末用水一大盞熬膏同候

山茱萸 極細末三兩須得一觔用鮮紅有肉者佳去核取肉製末 覆盆子 南者佳去核取細末二兩

龍骨 五錢五色者佳火煨燬法以小砂鍋內連鍋煨通赤去火毒方可用 右用伏蜜一觔煉以紙粘去浮沫數次無沫滴水中成珠者止

用四兩將前五味重羅過先以蒺藜膏和作一塊再入煉蜜石臼內搗千餘下丸如豌豆大每服三十丸空心鹽湯送下忌慾事二十日此藥延年益壽令人多子不可盡述真妙方也

聚精丸 男服

黃魚鱔膠 白淨者一觔切碎用蛤粉炒成珠以無聲為度 沙苑蒺藜 八兩馬乳浸兩宿隔湯蒸一炷香久取起焙乾

丸空心溫酒白湯任下忌食魚及牛肉

五子衍宗丸 男服此藥添精補髓疏利腎氣不問下焦虛實寒熱服之自能平秘舊稱古今第一種子方有人世

服此藥子孫蕃衍遂成村落此說在嘉靖丁亥得於廣信鄭中丞宅張神仙四世孫子及數人用之殊驗

甘州枸杞子 免絲子 酒浸搗成餅各八兩 遼五味子 一兩 覆盆子 四兩酒洗去目 車前子 炒二兩

新者焙曬乾共為細末煉蜜丸如桐子大每服空心九十九丸上床時五十丸白沸湯或鹽湯送下冬月用溫酒送

下修合日春取丙丁巳午夏取戊己辰戌丑未秋取壬癸亥子冬取甲乙寅卯忌師尼鰥寡之人及雞犬畜見之

十子丸 四明沈嘉則無子七十外服之連舉子

槐角子 和何首烏燕七次 覆盆子

枸杞子 去枯者及蒂 桑椹子

冬青子 四味共蒸各四兩

免絲子 製去殼酒蒸

柏子仁酒浸

沒石子照雷公製

蛇床子

北五味子

去枯者打碎蜜蒸以上各二兩

右為末煉蜜丸如梧桐子大每

服五六十丸淡鹽湯下乾點心壓之

趙氏加味六子丸

免絲子酒洗

川牛膝酒洗

麥門冬去心

山茱萸

取肉

原蠶蛾

五味子

各一兩

蛇床子

車前子酒洗

大甘草破一兩七錢

沙苑蒺藜

馬乳

覆盆子

各二兩

破故紙

二兩

腎雖屬水不宜太冷精寒則難成孕如天地寒冷則草木必無萌芽也方則極意斟酌不寒不熱得其中和修合

服之如一陽初動萬物化生二三月後必成孕矣前藥俱焙乾剉碎為末煉蜜丸如桐子大每服三十丸或四十

丸清鹽湯送下早晚皆服

〔針灸〕治男子無子者用熟艾一團揅鹽填臍滿却於鹽上隨鹽大小做艾丸灸之如痛即換鹽直灸之艾盡為度

如一日灸不盡二日三日灸之便效

〔知時〕表了凡先生云天地生物必有綱緼之時萬物化生必有樂育之時如貓犬至微將受妊也其雌必狂呼而

奔跳以綱緼樂育之氣觸之而不能自止耳此天然之節候生化之真機也世人種子有云三十時辰兩日半二十

八九君須算此特言其大概耳非的論也丹經云一月止有一日一日止有一時凡婦人一月經行一度必有一日

綱緼之候於一時辰間氣蒸而熱昏而悶有欲交接不可忍之狀此的候也於此時逆而取之則成丹順而施之則

胎成矣其曰三日月出庚又曰溫溫鉛鼎光透簾幃皆言其景象也當其慈情濃重之時子宮內有如蓮花蕊者不

拘經淨幾日自然挺出陰中如蓮蕊初開內人洗下體以手探之自知也但含羞不肯言耳男子預密告之令其自

言一舉即中矣

〔成胎〕丹溪云成胎以精血之後先分男女者褚澄之論也愚竊惑焉後閱東垣方有曰經水斷後一二日血海始

淨精勝其血感者成男四五日後血脈已旺精不勝血感者成女此論亦為未明何以言之易曰乾道成男坤道成女夫乾坤陰陽之性情也左右陰陽之道路也男女陰陽之儀象也父精母血因感而會精之泄陽之施也血能攝之陰之化也精成其骨此萬物之資始於乾元也血成其胞萬物之資生於坤元也陰陽交媾胎孕乃凝胎之所居名曰子宮一系在下上有兩歧一達於左一達於右精勝其血及剛日陽時感者則陽為主受氣於左子宮而男形成精不勝血及柔日陰時感者則陰為主受氣於右子宮而女形成或曰分男分女吾知之矣其有雙胎者將何如曰精氣有餘歧而分之血因分而攝之故也若夫男女同孕者剛日陽時柔日陰時感則陰陽混雜不屬左不屬右受氣于兩歧之間者也亦有三胎四胎五胎六胎者亦猶是而已或曰其有男不可為父女不可為母與男女之兼形者又若何而分之耶予曰男不可為父得陽道之虧者也女不可為母得陰道之塞者也兼形者由陰為駁氣所乘而為狀不一以女兼男形者有二一則遇男為妻遇女為夫一則可妻而不可夫又有下為女體上具男之全形此又駁之甚者也或曰駁氣所乘獨見於陰而所成之形又若是之不同邪予曰陰體虛駁氣易於乘也駁氣所乘陰陽相混無所為主不可屬左不可屬右受氣于兩歧之間隨所得駁氣之輕重而成形故所兼之形有不可得而同也 婁全善云丹溪此論極造精微發前人之未發是知男女之分已定於萬物資治乾元之際陰陽交媾之時昧者不悟是理妄有轉女為男之法惑矣夫萬物皆資始於乾元獨男女之分不資始於乾元乎 袁先生云巢氏論婦人妊娠一月名始胚足厥陰脈養之二月名始膏足少陽脈養之三月始名胎手心主脈養之四月始受水精以行血脈手少陽脈養之五月始受火精以成其氣足太陰脈養之六月始受金精以成其筋足陽明脈養之七月始受木精以成其骨手太陰脈養之八月始受土精以成膚革手陽明脈養之九月始受石精以成毛髮足少陰脈養之十月臟腑闔節人神俱備此其大畧也若求其細則受胎在腹七日一變展轉相成各有生相大集經備矣今婦人墮胎在三月五月七月者多在二四六月者少臟陰而腑陽三月屬心五月屬脾七月屬肺皆在五臟之脈陰常

易虧故多墮耳如昔曾三月墮胎則心脈受傷須先調心不然至三月復墮者昔曾五月墮胎則脾脈受傷後至五月復墮宜先治脾惟有一月之內墮胎則人皆不知有胎但知不受妊不知其受而墮也一月屬肝怒則墮多洗下體則竅開亦墮一次既墮則肝脈受傷他次亦墮令之無子者大半是一月墮胎非盡不受妊也故凡初交之後最宜將息勿復交接以擾其子宮勿令怒勿令勞勿令舉重勿令洗浴而又多服養肝平氣之藥胎可固矣 程鳴謙云
褚登氏言男女交合陰血先至陽精後衝而男形成陽精先入陰血後參而女形成信斯言也人有精先洩而生男精後泄而生女者獨何歟東垣曰經水纔斷一二日血海始淨感者成男四五日血脈已旺感者成女至于六七日後則雖交感亦不成胎信斯言也人有經始斷交合生女經久斷交合生男者亦有四五日以前交合無孕八九日以後交合有孕者獨何歟俞子木撰廣嗣要畧著方立圖謂實陽能入虛陰實陰不能受陽即東垣之故見也又謂微陽不能射陰弱陰不能攝陽信斯言也世有尪羸之夫怯弱之婦屢屢受胎雖欲止之而不能止者亦有血氣方剛精力過人顧乃艱于育嗣而莫之救者獨何歟朱丹溪論專治以婦人經水為主然富貴之家侍妾已多其中寧無月水當期者乎而已經前夫頻頻生育而娶此以圖其易者顧亦不能得胎更與他人又轉盼生男矣豈不能受孕于此而能受孕于彼乎愚以為父母之生子如天地之生物易曰坤道其順乎承天而時行夫知地之生物不過順承乎天則知母之生子亦不過順承乎父而已知母之順承乎父其種子者果以婦人為主乎以男子為主乎然所謂主於男子者不拘老少不拘強弱不拘康寧病患不拘精易洩難洩只以交感之時百脈齊到為善耳交感而百脈齊到雖老雖弱雖病患雖易洩亦可以成胎交感而百脈參差雖少雖強雖康寧雖難洩亦難以成胎矣婦人所構之血固由于百脈合聚較之男子之精不能無輕重之分也孔子贊乾元資始曰大贊坤元資生曰至德無意乎若男女之辨又不以精血先後為拘不以經盡幾日為拘不以夜半前後交感為拘不以父強母弱母強父弱為拘只以精血各由百脈之齊到者別勝負耳是故精之百脈齊到有以勝乎血則成男矣血之百脈齊到有以勝乎

精則成女矣至於既孕而小產者有產而不育有育而不壽者有壽而黃者無疆者則亦精血之堅脆分為修短耳世人不察其精血之堅脆已定于稟受之初乃以小產專責之母以不育專付之兒以壽夭專諉之數不亦謬乎

候胎

〔診〕婦人懷軀七月而不可知時時衄血而轉筋者此為軀也衄時噎而動者非軀也 素問云婦人足少陰脈動

其者任子也

平人氣象論 謂太溪脈也全元起本作足少陰王冰本作手太陰當從全本 王註云動脈者如豆厥厥動搖也一說動甚謂動搖太甚也

陰搏陽別謂之有子 陰陽別論

王註云陰謂尺中也搏謂搏觸於手也尺脈搏擊與寸脈殊別則為有孕之兆

〔脈〕娠初時寸微小呼吸五至三月而尺數也脈滑疾重以手按之散者胎已三月也脈重手按之不散但疾不

滑者五月也

此即陰搏陽別之義謂尺脈滑數寸脈微小而尺與寸脈別者孕脈也

尺脈左偏大為男右偏大為女左右俱大產二子大者如實狀

亦陰搏陽別之義謂尺脈實大與寸脈殊別但分男左女右也

婦人妊娠四月欲知男女法左疾為男右疾為女俱疾為生二子 王子亨云妊娠三月俱滑而疾

在左為男在右為女

遣妊娠人面南行還復呼之左迴首者是男右迴首者是女 看上圍時夫從後急呼之左迴首者是

男右迴首者是女也 婁全善云按丹溪云男受胎在左子宮女受胎在右子宮斯言大契是說也蓋男胎在左則

左重故回首時慎護重處而就左也女胎在右則右重故回首時慎護重處而就右也推之於脈其義亦然胎在左

則血氣護胎而感於左故脈亦從之而左疾為男左大為男也胎在右則血氣護胎而感於右故脈亦從之而右疾

為女右大為女也亦猶經云陰搏陽別謂之有子言受胎處在臍腹之下則血氣護胎而感於下故陰之尺脈鼓搏

有力而與陽之寸脈殊別也又如癰癰氣上則血氣從上而寸脈感發下則血氣從下而尺脈感發左則血發從左

而左脈感發右則血氣從右而右脈感也丹溪以左大順男右大順女為醫人之左右手蓋智者之一失也

診婦人有姙歌

肝為血兮肺為氣血為榮兮氣為衛陰陽配耦不參差兩臟通和皆類例血衰氣旺定無孕血旺

氣衰應有體

肝藏血為榮屬陰肺主氣為衛屬陽陰陽配耦者是夫婦匹配偶合構精乃有子也若血少氣盛則無娠孕若血盛氣少則有孕也寸微關滑尺帶數流利往來并雀啄

小兒之脈已見形數月懷中猶未覺胎以上之脈微闊脈滑尺脈帶數及流利雀啄皆是經脈閉塞不行成左疾為男右為

女流利相通連來去兩手關脈大相應已形亦在前通語左手脈少疾為懷男右手脈疾為懷女或兩手關脈洪大相應是其胎已有形

也左手帶縱兩箇兒脈縱者夫行乘妻水行乘火金行乘木即鬼賊右手帶橫一雙女橫者妻乘夫也兩手脈洪大相應是其胎已有形

於右手則懷左左手脈逆生三男逆者子乘母也名曰逆見於右手則懷左左手脈逆生三女逆者母乘子也名曰橫見

生一雙女子也左名曰順見於寸關尺部皆相應一男一女分形證寸關尺部脈大小遲疾相應者是一男一女形證

男也有時子死母身存或即母亡存子命此二存亡之文無辨往來三部通法利滑數相參皆替陽實陰虛脈得明

遍滿胸膛皆逆氣若寸關尺三部通行流利皆替有有力而滑數皆是陽實左手太陽浮大男脈浮大是懷男之類

右手太陽沉細女脈沉細是懷女也諸陽為男諸陰為女指下分明長記取是也諸陽脈皆為男即浮大疾數滑實之類

是也當懷女三部沉正等無絕尺內不止真胎婦斷及尺三部脈沉浮正直齊等舉按無絕夫乘妻兮縱氣霧夫乘妻也

水行乘火金行乘木即鬼賊脈也縱氣霧霧露也又上下也妻乘夫兮橫氣助謂橫者妻乘夫也見前註謂夫之陽氣乘妻之陰氣二氣上下相逐如霧潤結子也

氣參逆者子乘母也謂子氣犯母母乘子兮順氣護是母氣乘於子氣為順氣相護衛也凡胎小兒日足胎成聚身

熱脈亂無所苦婦人懷小兒五箇月是以數足胎成就而結聚也必母身體壯熱當見脈汗出不食吐逆時精神結

備其中住謂妊娘受五行精氣以成胎孕二經已榮受火精以成氣故身熱胎亂是無病也汗出不食吐逆時精神結

娠娘三月名始胎此是未有定儀心胞胎養之故胎見但疾不散五月母其胎但疾數而不散者茲繁牢強滑利安

滑疾流利為少氣多血不散為血氣成則始結為胎也但疾不散五月母其胎但疾數而不散者茲繁牢強滑利安

沉細而微歸泉路孕婦之脈宜弦緊牢強滑利為安吉之脈若沉細而微為胎與形不相應故云死也前

驗胎法海神方驗胎散婦人三兩個月月經不行疑是兩身却疑血滯心煩寒熱恍惚此藥可驗取之內也外

已有身病無邪脈以素問脈法推之十得八九矣

真雀腦芎一兩 當歸全用重七錢 右為細末分作兩服濃煎好艾湯一盞調下或好酒調服亦得可待三

兩箇時辰間覺腹臍微動仍頻即有胎也動罷即愈安穩無虞如不是胎即不動所滯惡物自行母亦安也如服藥不愈再煎紅花湯調下必有神效

靈苑治婦人經脈往三箇月驗胎法真川芎為細末濃煎艾葉湯一七投腹內漸動是有胎也

探胎散 婦人胎氣有無疑惑之間以此探之有胎即吐無則不吐

皂角 去皮

甘草 炙各一錢

黃連 半錢

右為細末作一服溫酒調服

博陵醫之神者曰郝翁士人陳堯遵妻病眾醫以為勞傷郝曰亟屏藥是為娠證且賀君得男子已而果然又二婦

人姓一啗嘿不能言郝曰免胎大經壅兒生經行則言矣不可毒以藥一極壯健郝診其脈曰母氣已死所以生者

反恃兒氣耳如期子生母死 孕婦不語非病也聞如此者不須服藥臨產日但服保生丸四物湯之類產後便語亦自然之理非藥之力也 一婦暴渴惟飲五味汁名醫

耿隅診其脈曰此血欲凝非疾也已而果孕古有方血欲凝而渴飲五味之證不可不知也 潘璫診虞部員外郎

張咸之妻孕五歲南陵尉富昌齡妻二歲團練使劉彝孫妾孕十有四月皆未育溫叟視之曰疾也凡醫妄以為有

孕爾於是與破血攻毒大劑飲之虞部妻墮肉塊百餘有眉目狀昌齡妻夢二童子色漆黑倉卒怖悸疾走而去孫

妾墮大蛇猶蜿蜒未死三婦皆無恙陳斗崑治葉南洲妻經閉五月下白或赤午後發熱咳嗽嘔吐醫謂癆瘵陳視

曰兩尺脈皆實此必有孕外受風邪搏激故耳飲清和之劑而安半年生一子

胎產大法

〔潔〕治胎產之病從厥陰經論之無犯胃及氣上三焦謂之三禁不可汗不可下不可利小便發汗者同傷寒下早

之證利大便則脈數而已動于脾利小便則內亡津液胃中枯燥製藥之法能不犯三禁則榮衛自和而寒熱止矣

如發渴則白虎氣弱則黃耆血刺痛而和以當歸腹中疼而加之芍藥大抵產病天行從增損柴胡雜證從增損四

物宜詳察脈證而用之要之外則和於榮衛內則調於清便同傷寒壞證治之

李仲南

胎前病惟當安胎順氣

若外感四氣內傷七情以成他病治法與男子無異當於各證類中求之但胎前治他證者動胎之劑切須審詳爾
〔丹〕胎前當清熱養血 產前安胎白朮黃芩妙藥也 胎前將臨月以三補丸加炒香附炒白芍藥蒸餅丸服

又抑熱以三補用生地黃膏丸

苓連藥為末地黃膏丸之

有孕八九箇月必順氣枳殼蘇莖

前至八九月因火動胎逆上作

喘急者可用條荈香附之類為末調下條荈於水中沉取重者用之

固胎地黃羊錢當歸身尾人參白芍陳皮各

一錢白朮一錢半甘草三分黃芩川芎各半錢黃連炒柏各少許桑上羊兒藤

即金銀花

七葉完者糯米十四粒咬咀煎

服血虛不安者用阿膠痛者用硝砂行血氣故也

夷堅志云政和中蔡魯公之孫婦有孕及期而病國醫皆以為陽證傷寒懼胎墮不敢投以涼劑張銳至視之曰兒處胎十月將生矣何藥之能敗即以常法與藥且使倍服之半日而兒生病亦失去明日其婦大泄而喉閉不入食衆醫復指其疵且曰二疾如冰炭又產辱甫近雖司命無如之何矣張曰無庸憂也將使即日愈乃取藥數十粒使吞之咽喉即通下泄亦止及滿月魯公酌酒為壽曰君術通神吾不敢知敢問一藥而愈二疾何也張曰此子經無所載特以意處之向者所用藥乃附子理中丸裏以紫雪此證喉閉不通非至寒藥不為用既以下喉則消釋無餘其得之腹中者附子力也故一服而兩疾愈公大加嘆異

汪機治一婦常患橫生逆產七八胎矣子皆不育汪診脈皆細澀頗弦曰此氣血兩虛兼熱也或曰氣血有餘方成妊娠氣血既虧安能胎耶汪曰觀其形長瘦而脈細濡屬于氣血兩虛色青脈弦屬于肝火時熾而兩尺浮滑似血虛為輕而氣虛為重也宜以補陰丸除陳皮倍加香附參者蜜丸服之常令接續踰年臨產果順而育一子

保生丸煬養胎益血安和子臟治妊娠將理失宜或因勞役胎動不安腰腹痛重胞阻漏胎惡露時下子臟挾疾久不成胎或受孕不能固養痿燥不長過年不產日月雖滿轉動無力或致損墮及臨產保養乖宜驚動太早產時未至惡露先下胞胎枯燥致令產難或橫或逆痛極悶亂連日不產子死腹中腹上冰冷口脣青黑吐出冷沫新